

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA**

**OBRAĐIVAČ: SLUŽBA ZA FINANSIJE**

**IZVJEŠTAJ  
O PROVEDENOJ JAVNOJ RASPRAVI NA  
NACRT BUDŽETA GRADA ZENICA ZA 2022. GODINU I  
NACRT ODLUKE O IZVRŠAVANJU BUDŽETA  
GRADA ZENICA ZA 2022. GODINU**

**Zenica, januar 2022. godine**

**IZVJEŠTAJ O PROVEDENOJ JAVNOJ RASPRAVI NA  
NACRT BUDŽETA GRADA ZENICA ZA 2022. GODINU I  
NACRT ODLUKE O IZVRŠAVANJU BUDŽETA GRADA ZENICA ZA 2022. GODINU**

Na 17. sjednici Gradskog vijeća Zenica, održanoj dana 04.01.2022. godine, utvrđeni su Nacrt budžeta Grada Zenica za 2022. godinu i Nacrt Odluke o izvršavanju budžeta za 2022. godinu, te su isti upućeni na javnu raspravu u trajanju od 10 dana od dana održavanja sjednice Gradskog vijeća, odnosno zaključno sa 14.01.2022. godine.

Na većinu primjedbi, prijedloga i sugestija datih tokom sjednice od strane učesnika u raspravi, a povodom razmatranja Nacrta budžeta za 2022. godinu, predlagač je dao svoj stav na samoj sjednici, tako da nema potrebe iste navoditi u ovom aktu.

U toku javne rasprave dostavljene su primjedbe, prijedlozi i sugestije na Nacrt budžeta Grada Zenica za 2022. godinu, i to kako slijedi:

**A. Klub vijećnika SDP Zenica predložio je:**

1. planiranje sredstava u iznosu od 50.000,00 KM iz sredstava Fonda za zaštitu okoliša za adrenalinski park na Klopačkim stijenama (stakleni most i zip-line);
2. uvećanje sredstava na poziciji "Izdaci za tekuće održavanje (energetska efikasnost i dr.)" za utopljanje objekata za iznos od 100.000,00 KM;
3. planiranje sredstava za skijašku stazu za djecu na Smetovima u iznosu od 40.000,00 KM;
4. planiranje sredstava za besplatnu školu plivanja i skijanja u iznosu od 10.000,00 KM;
5. planiranje sredstava za jednokratne nagrade za nadarene učenike, studente, sportiste i dr., u iznosu od 25.000,00 KM;
6. planiranje sredstava za finansiranje dežurne apoteke u iznosu od 5.000,00 KM mjesečno;
7. povećanje sredstava planiranih na poziciji "Izgradnja i uređenje igrališta i sportskih terena" za igralište u MZ Blatuša;
8. planiranje sredstava za idejno rješenje Kulina Bana na ulazu u Zenicu, u iznosu od 25.000,00 KM;
9. planiranje sredstava za projekat kružni tok petlja Blatuša sa veznim saobraćajnicama Pehare - Crkvice - ulica Ivana Gundulića.

**Stav predlagača**

Predlagač je razmotrio navedene prijedloge, te u skladu sa trenutnim mogućnostima, izvršene su korekcije Nacrta budžeta Grada Zenica za 2022. godinu i u Prijedlog budžeta ugrađeno je sljedeće:

1. planirani iznos na budžetskoj poziciji "Nabavka građevina", koja se planira finansirati iz sredstava Fonda za zaštitu okoliša, uvećan je za 80.000,00 KM, a u svrhu izgradnje adrenalinskog parka;
2. planirani iznos na budžetskoj poziciji "Izdaci za tekuće održavanje (energetska efikasnost i dr.)", koji se finansiraju iz sredstava Fonda za zaštitu okoliša, uvećan je ukupno za 250.000,00 KM, od čega je iznos od 100.000,00 KM planiran na ime utopljanja objekata;

3. u okviru organizacionog koda 51010001 – Gradonačelnik, otvorena je nova budžetska pozicija "Izrada projektne dokumentacije skijaške staze za djecu na Smetovima" u iznosu od 40.000,00 KM;
4. u okviru organizacionog koda 59010001 - Služba za socijalnu zaštitu, stambene poslove i društvene djelatnosti, otvorena je nova budžetska pozicija "Transferi za sport - besplatna škola plivanja i skijanja" u iznosu od 10.000,00 KM;
5. u okviru organizacionog koda 59010001 - Služba za socijalnu zaštitu, stambene poslove i društvene djelatnosti, otvorena je nova budžetska pozicija "Transferi pojedincima - nagrade za nadarene učenike, studente, sportiste i dr." u iznosu od 25.000,00 KM;
6. u okviru organizacionog koda 59010001 - Služba za socijalnu zaštitu, stambene poslove i društvene djelatnosti, otvorena je nova budžetska pozicija "Transfer za zdravstvo - JU Apoteka Zdravlje Zenica" u iznosu od 60.000,00 KM;
7. prema stavu resorne Službe za socijalnu zaštitu, stambene poslove i društvene djelatnosti u okviru budžetske pozicije "Izgradnja i uređenje igrališta i sportskih terena" planirane u iznosu od 200.000,00 KM, između ostalog planirano je i sportsko igralište u MZ Blatuša;
8. u okviru organizacionog koda 51010001 – Gradonačelnik, u Nacrtu budžeta Grada Zenica za 2022. godinu već je planirana budžetska pozicija "Izrada idejnog rješenja za izradu simbola Grada Zenica na raskrsnici na magistralnoj cesti M17" u iznosu od 25.000,00 KM. Naime, stručna komisija za ocjenu i rangiranje radova u sklopu Javnog poziva za izradu simbola/znaka koji je vezan za Grad Zenica, koji bi trebao da se izgradi u sklopu novoizgrađenog kružnog toka na magistralnoj cesti M17 je pripremila projektni zadatak za provođenje Javnog konkursa. Nakon usvajanja budžeta moguće je pokrenuti proceduru Javnog poziva za izbor idejnog rješenja simbola/znaka grada koji bi se postavio u sklopu kružnog toka. Projektnim zadatkom nije predviđen simbol Kulina bana već simbol/znak koji bi karakterisao grad Zenicu, tako da može biti simbol/znak koji je vezan za Kulina bana, a može biti i neki potpuno drugačiji;
9. u okviru organizacionog koda 51010001 – Gradonačelnik, otvorena je nova budžetska pozicija "Izrada projektne dokumentacije za vezne saobraćajnice prema Peharama i ulici Ivana Gundulića" u iznosu od 30.000,00 KM.

**B. Vijećnik Mahdi Alić, ispred stranke Narod i Pravda Zenica, predložio je:**

1. planiranje sredstava za projekte koji će pomoći održivost povratka u RS, u iznosu od 60.000,00 KM;
2. planiranje sredstava za jednokratne nagrade za nadarene učenike, studente, sportiste i dr., u iznosu od 25.000,00 KM;
3. planiranje sredstava za izradu projektne dokumentacije za izgradnju ambulanti porodične medicine Tetovo i Perin Han, u iznosu od 10.000,00 KM.

**Stav predlagača**

Po razmatranju gore navedenih prijedloga, Prijedlogom budžeta za 2022. godinu planirano je sljedeće:

1. u okviru organizacionog koda 59010001 - Služba za socijalnu zaštitu, stambene poslove i društvene djelatnosti, otvorena je nova budžetska pozicija "Kapitalni transfer za projekte podrške održivom povratku u RS" u iznosu od 60.000,00 KM;
2. u okviru organizacionog koda 59010001 - Služba za socijalnu zaštitu, stambene poslove i društvene djelatnosti, otvorena je nova budžetska pozicija "Transferi pojedincima - nagrade za nadarene učenike, studente, sportiste i dr." u iznosu od 25.000,00 KM;

3. na organizacionom kodu 59010001 - Služba za socijalnu zaštitu, stambene poslove i društvene djelatnosti, u okviru budžetske pozicije "Rekonstrukcija i investiciono održavanje ambulanti i depoa apoteka" koja je planirana u iznosu od 1.500.000,00 KM, između ostalog, planirana je i izrada projektne dokumentacije za izgradnju ambulanti porodične medicine u naseljima Tetovo i Perin Han.

C. Klub vijećnika Zenička inicijativa – Kasumović Fuad predložio je:

1. planiranje sredstava za finansiranje prelaska peći sa uglja i drva na pelet i toplotne pumpe;
2. planiranje sredstava za jednokratne nagrade za nadarene učenike, studente, sportiste i dr., u iznosu od 25.000,00 KM;
3. da se sredstva sa pozicije "Rekonstrukcija i investiciono održavanje objekta JP RTV Zenica" umanje za iznos od 90.000,00 KM, a uvede nova pozicija "Razvoj emisionog sistema RTV Zenica" u iznosu od 50.000,00 KM, te poveća iznos na poziciji "Finansiranje dijela proizvodnje i emitovanja programa JP RTV Zenica" za iznos od 40.000,00 KM;
4. planiranje sredstava za finansiranje dežurne apoteke, u iznosu od 5.000,00 KM mjesečno;
5. planiranje sredstava za projekte koji će pomoći održivost povratka u RS, u iznosu od 60.000,00 KM;
6. da se uvećaju sredstva za rad kulturno-umjetničkih društava.

Stav predlagača

Nakon razmatranja dostavljenih prijedloga, Prijedlogom budžeta za 2022. godinu planirano je sljedeće:

1. planirani iznos na budžetskoj poziciji "Izdaci za tekuće održavanje (energetska efikasnost i dr.)", koji se finansiraju iz sredstava Fonda za zaštitu okoliša, uvećan je ukupno za 250.000,00 KM, a od čega je iznos od 150.000,00 KM planiran na ime finansiranja prelaska peći sa uglja i drva na pelet i toplotne pumpe;
2. u okviru organizacionog koda 59010001 - Služba za socijalnu zaštitu, stambene poslove i društvene djelatnosti, otvorena je nova budžetska pozicija "Transferi pojedincima - nagrade za nadarene učenike, studente, sportiste i dr." u iznosu od 25.000,00 KM;
3. u okviru organizacionog koda 59010001 - Služba za socijalnu zaštitu, stambene poslove i društvene djelatnosti, otvorena je nova budžetska pozicija "Razvoj emisionog sistema JP RTV Zenica" u iznosu od 50.000,00 KM, zatim budžetska pozicija "Finansiranje dijela proizvodnje i emitovanja programa JP RTV Zenica" uvećana je za 40.000,00 KM, a za iznos od 90.000,00 KM umanjena su sredstva na budžetskoj poziciji "Rekonstrukcija i investiciono održavanje objekta JP RTV Zenica";
4. u okviru organizacionog koda 59010001 - Služba za socijalnu zaštitu, stambene poslove i društvene djelatnosti, otvorena je nova budžetska pozicija "Transfer za zdravstvo - JU Apoteka Zdravlje Zenica" u iznosu od 60.000,00 KM;
5. u okviru organizacionog koda 59010001 - Služba za socijalnu zaštitu, stambene poslove i društvene djelatnosti, otvorena je nova budžetska pozicija "Kapitalni transfer za projekte podrške održivom povratku u RS" u iznosu od 60.000,00 KM;
6. u okviru organizacionog koda 59010001 - Služba za socijalnu zaštitu, stambene poslove i društvene djelatnosti planirana je budžetska pozicija "Finansiranje nacionalnih udruženja, udruženja nacionalnih manjina i kulturno umjetničkih društava" u iznosu od

35.000,00 KM, te stav resorne Službe je da su ista planirana u skladu sa mogućnostima budžeta i dosadašnjom praksom.

**D.** Vijećnik Osman Šuvalić i Udruženje građana Romske suze - Romane ASVA Zenica predložili su:

1. planiranje sredstava za subvencioniranje stanarina za romsku populaciju, u iznosu od 30.000,00 KM i
2. planiranje sredstava za sufinansiranje zdravstvenog osiguranja pripadnika romske populacije, u iznosu od 50.000,00 KM.

Stav predlagača

1. Subvencioniranje socijalnih kategorija uspostavljeno je u skladu sa odlukama Gradskog vijeća i procedurama u okviru socijalno-neprofitnog stanovanja. Navedene subvencije obezbjeđene su u Budžetu Grada i Budžetu ZDK, a realizuju se u skladu sa pojedinačnim zahtjevima i uspostavljenim kriterijima. Tako su u Prijedlogu budžeta za 2022. godinu, na organizacionom kodu 59010001 - Služba za socijalnu zaštitu, stambene poslove i društvene djelatnosti, na budžetskoj poziciji "Izdaci za tekuće održavanje socijalnog stambenog fonda" uvećana planirana sredstva za 30.000,00 KM, i ukupno iznose 60.000,00 KM;
2. prema stavu resorne Službe za socijalnu zaštitu, stambene poslove i društvene djelatnosti, ova oblast je regulisana Zakonom o zdravstvenom osiguranju, te se ovaj prijedlog ne može prihvatiti.

**E.** Udruženje veterana BiH rata i odbrane bosanske časti predložilo je:

1. planiranje sredstava za realizaciju projekta "Izgradnja jarbola i zastave države BiH na mjestu Gradina – Gradište" Zenica, u iznosu od 62.000,00 KM.

Stav predlagača

U okviru Službe za boračko-invalidsku zaštitu, na budžetskoj poziciji "Transferi za finansiranje programa i projekata udruženja i organizacija boračke populacije" planirana su sredstva u iznosu od 200.000,00 KM, a ista se realizuju prema dostavljenim zahtjevima i provedenim javnim pozivima.

**F.** Advokat Jasmin Mutapčić, kao punomoćnik tužitelja - mještana naselja Pečuj, predložio je:

1. da se u Prijedlogu budžeta Grada Zenica za 2022. godinu odrede sredstva za isplatu naknade štete u dužnom iznosu po presudama nadležnih sudova.

Stav predlagača

U skladu sa članom 138. stav 6. Zakona o izvršnom postupku (Službene novine FBiH broj 32/03, 52/03, 33/06, 39/06, 39/09, 35/12 i 46/16) u Prijedlogu budžeta Grada Zenica za 2022. godinu, na poziciji "Prisilno izvršenje pravosnažnih sudskih rješenja koje realizuje banka" planirana su sredstva u iznosu od 200.000,00 KM, a što predstavlja 0,32% prihoda i primitaka Grada.

**G.** Privredno društvo HAPPY DOGS d.o.o. Zenica predložilo je:

1. povećanje sredstava planiranih na budžetskoj poziciji "Ostale ugovorene usluge (azil za napuštene životinje i dr.)" za iznos od 69.415,20 KM, odnosno sa iznosa od 120.000,00 KM na iznos od 189.415,20 KM.

#### Stav predlagača

Predlagač je razmotrio dostavljeni prijedlog, te u skladu sa trenutnim mogućnostima i planirao sredstva za ove namjene u 2022. godini. Napominjemo, da je Grad Zenica jedna od rijetkih jedinica lokalne samouprave koja je izgradila azil za napuštene životinje i na taj način riješila ovaj problem.

#### H. Javna ustanova Predškolski odgoj i obrazovanje Zenica predlaže:

1. povećanje sredstava planiranih na budžetskoj poziciji "Finansiranje djelatnosti predškolskog odgoja i obrazovanja" na iznos od 1.200.000,00 KM i
2. povećanje sredstava planiranih na budžetskoj poziciji "Kapitalni transfer JU Predškolski odgoj i obrazovanje Zenica" sa iznosa od 50.000,00 KM na iznos od 550.000,00 KM.

#### Stav predlagača

Predlagač je djelimično prihvatio dostavljenu sugestiju i u Prijedlogu budžeta za 2022. godinu za potrebe JU Predškolski odgoj i obrazovanje Zenica, povećao planirana sredstva na budžetskoj poziciji "Finansiranje djelatnosti predškolskog odgoja i obrazovanja" za 100.000,00 KM, odnosno na iznos od 820.000,00 KM.

Pored navedenog, Grad Zenica iz budžeta plaća i troškove grijanja ove Ustanove direktno JP-u "Grijanje Zenica" u godišnjem iznosu od cca 130.000,00 KM.

#### I. Rukometni klub Čelik Zenica predlaže:

1. uvećanje sredstava na poziciji "Transferi za sport" za iznos od 250.000,00 KM i
2. uvećanje sredstava na poziciji "Izgradnja i uređenje igrališta i sportskih terena" za iznos od 200.000,00 KM, u svrhu rješavanja sportskog objekta za male sportove – Papirna Zenica.

#### Stav predlagača

1. Prema stavu resorne Službe za socijalnu zaštitu, stambene poslove i društvene djelatnosti prijedlog se ne može prihvatiti, jer nije moguće iznaći dodatna sredstva za navedenu poziciju, a da se ne oštete drugi subjekti planirani na stavkama ove Službe. Napominjemo da Grad Zenica na ime sporta u 2022. godini planira sredstva u ukupnom iznosu od 1.812.000,00 KM, i to na sljedećim pozicijama:
  - "Tekući transferi za sport" u iznosu od 750.000,00 KM,
  - "Izmirenje poreznog duga NK Čelik Zenica po zaključenom Sporazumu – reprogram" u iznosu od 337.000,00 KM;
  - "Transferi za sport - besplatna škola plivanja i skijanja" u iznosu od 10.000,00 KM;
  - "Programi i projekti iz oblasti sporta" u iznosu od 20.000,00 KM;
  - "Finansiranje rada JP za upravljanje i održavanje sportskih objekata d.o.o. Zenica" u iznosu od 320.000,00 KM;
  - "Održavanje zelenih površina sportskih igrališta" u iznosu od 125.000,00 KM;
  - "Izgradnja i uređenje igrališta i sportskih terena" u iznosu od 200.000,00 KM;
  - "Održavanje dječijih i sportskih igrališta" u iznosu od 50.000,00 KM.

2. Takođe, prema stavu resorne Službe za socijalnu zaštitu, stambene poslove i društvene djelatnosti, izgradnja i uređenje igrališta i sportskih terena se odnosi na realizaciju projekata izgradnje dječijih i sportskih igrališta, po zahtjevima mjesnih zajednica, vijećnika, Gradonačelnika, a ne na sanaciju sportskih objekata kojima upravlja JP za upravljanje i održavanje sportskih objekata. Prema tome, tražena sanacija objekta "Papirne" ne može se planirati u okviru ove budžetske pozicije.

**J. Bošnjačka zajednica kulture "Preporod" - gradsko društvo Zenica predlaže:**

1. da se otvori nova budžetska pozicija sa koje bi se finansiralo samo ovo društvo.

**Stav predlagača**

U Prijedlogu budžeta za 2022. godinu planirana su sredstva za sufinansiranje nacionalnih udruženja i kulturno-umjetničkih društava u iznosu od 35.000,00 KM, a prema stavu resorne Službe za socijalnu zaštitu, stambene poslove i društvene djelatnosti, izdvajanje budžetske pozicije samo za finansiranje BZK "Preporod" bila bi djelimična diskriminacija prema ostalim nacionalnim društvima.

**K. Klub vijećnika SDA dostavili su sljedeće prijedloge i sugestije na Nacrt budžeta Grada Zenica za 2022. godinu:**

1. "Predlaže se da se izvrši promjena u rashodovnoj strani budžeta u dijelu B-1 Rashodi i izdaci — I Redovna djelatnost/Tekući rashodi/Plaće i naknade troškova zaposlenih što povezuje i sljedeću stavku Doprinosi poslodavca i ostali doprinosi — u smislu redukcije stavki pod oznakom "Ekonomski kod 611100", a koja glasi „ Plaće i naknade troškova zaposlenih” i „Ekonomski kod 612000”, a koja glasi „Doprinosi poslodavca i ostali doprinosi”. Prijedlog je da se navedena stavke reduciraju sa predloženih 11.822.400,00 KM na 10.000.000,00 KM. Na osnovu te redukcije sredstava predlaže se otvaranje novih budžetskih stavki kako slijedi:

- Jednokratna novčana pomoć zeničkim rudarima - 200.000,00 KM
- Transfer za pomoć socijalno ugroženim penzionerima - 1.000.000,00 KM
- Sufinansiranje stambenog zbrinjavanja mladih - 500.000,00 KM
- Stipendiranje talentovanih učenika i studenata - 100.000,00 KM
- Sufinansiranje rada GSS-a (gorske službe spašavanja) - 22.400,00 KM

**Obrazloženje:**

Sredstva namijenjena za povećanje broja zaposlenih u gradskoj administraciji se trebaju utrošiti na građane grada Zenice kojima je pomoć neophodna. "

2. "Predlaže se da se izvrši promjena u rashodovnoj strani budžeta u dijelu B-1 Rashodi i izdaci — I Redovna djelatnost/Izdaci za materijal i usluge/— u smislu redukcije stavki pod oznakom „Ekonomski kod 613400, funkcija 0110, fond 01”, a koja glasi „Nabavka materijala i sitnog inventara za budžetske korisnike”. Prijedlog je da se navedena stavka reducira sa predloženih 220.500,00 KM na 120.500,00 KM.

Na osnovu te redukcije sredstava predlaže se prebacivanje sredstava na stavku pod oznakom „Fond 01, Funkcija 1090, Ekonomski kod 614200”, a koja glasi Transfer pojedincima - pomoći na ime teške ekon. situacije” sa ukupnom vrijednosti predloženih izdataka od 100.500,00 KM.

Obrazloženje:

U Nacrtu budžeta za 2022. godinu je navedeno daje budžetski zahtjev ispunjen, međutim na osnovu broja zahtjeva za pomoć koji se podnese u toku jedne godine može se reći da su predložena sredstva nedovoljna."

3. "U dijelu B - 1 RASHODI 1 IZDACI ZBIRNO u nacrtu budžeta Grada Zenica za 2022. godinu, fond 01, funkcija 0810, ekonomski kod 614300 „Transfer za NK Čelik Zenica po osnovu Sporazuma potpisanog između Grada Zenica i NK Čelik” u koloni 9 upisati „200.000,00”, a poziciju Izrada projektne dokumentacije, fond 01, funkcija 0620, ekonomski kod 613900 u koloni 9, umanjiti za 200.000,00 KM.

Obrazloženje:

Obzirom na stanje u NK Čelik Zenica, te obzirom da se Sporazumom o saradnji između Grada Zenica i NK Čelik Zenica, koji je potpisan 12.11.2020. godine, Grad Zenica obavezao na realizaciju dogovorenih obaveza predlažemo sredstva za ovu budžetsku stavku.

Navedena sredstva će omogućiti ozdravljenje ovog nogometnog kluba i njegovo vraćanje u narednim godinama na mjesto gdje pripada, a što ovaj klub i Grad Zenica i Zeničani zaslužuju. Takođe, i sam Grad Zenica će na ovaj način pokazati da stoji iza sporazuma koje je sam potpisao."

4. "U dijelu B - 1 RASHODI 1 IZDACI - ZBIRNO u nacrtu budžeta Grada Zenica za 2022. godinu, 614300 Tekući transferi neprofitnim organizacijama, fond 01, funkcija 0810, ekonomski kod 614300 „Transfer za sport” u koloni 9, broj „750.000,00” zamjenjuje se sa brojem „850.000,00”, a Nabavka opreme za budžetske korisnike, fond 01, funkcija 0820, ekonomski kod 821300, umanjuje se za 100.000,00 KM.

Obrazloženje:

Trenutno stanje zeničkog sporta je jako loše. Jedan od razloga za to je i loša ekonomska situacija kako u Zenici, a tako i u BiH. Iz ovih razloga zenički sportski klubovi ne mogu obezbjediti dovoljnu podršku od strane potencijalnih sponzora, te u ovakvim okolnostima ne smijemo dozvoliti da sredstva namijenjena za sport."

5. "Predlaže se da se izvrši promjena u rashodovnoj strani budžeta u dijelu. Rekonstrukcija i investiciono održavanje ambulanti i depoa apoteka” u smislu redukcije stavke pod oznakom Fond 01, Funkcija 0760, Ekonomski kod 821600” i umanjenje iznosa u koloni 9 sa 1.500.000,00 na 1.000.000,00 KM, te otvaranje nove budžetske pozicije pod nazivom: Sanacija duga JU Apoteke „Zdravlje” Zenica sa iznosom od 500.000,00 KM.

Obrazloženje:

Uvidom u budžete ranijih godina, za navedene stavke nisu bila predviđena sredstva. a JU Dom zdravlja Zenica je poslovao pozitivno i uspio realizovati značajne infrastrukturne projekte. Zbog navedenog, mišljenja smo da predloženom redukcijom neće značajno trpiti navedene ustanove, a osnivanjem zasebnog ekonomskog koda bi se omogućila pomoć zeničkim apotekama. Navedeni prijedlog je u skladu sa usmenom diskusijom i zaključcima Gradskog vijeća, a u smislu pomoći JU Apoteke Zdravlje Zenica, na što su se vijećnici na neki način obavezali u kontekstu saniranja deficita poslovanja navedenog preduzeća."

6. "Predlaže se da se izvrši promjena u rashodovnoj strani budžeta u dijelu „ Nabavka zemljišta i drugih nekretnina” u smislu redukcije stavke pod oznakom Fond 01, Funkcija 0490, Ekonomski kod 821100” i umanjenje iznosa u koloni 9 sa 1.000.000,00 KM na



650.000,00 KM, te uvećanje iznosa u koloni 9 na budžetskoj poziciji pod nazivom „Podsticaj poljoprivrednoj proizvodnji” Fond01, funkcija 0420, ekonomski kod 614500 za 350.000,00 KM.

Obrazloženje:

Trenutna situacija koja je uzrokovana pandemijom dovodi do povećanja cijene prehrambenih artikala na tržištu, a sve zbog povećanja cijena sirovina. Na ovaj način podstičemo domaće poljoprivrednike na vlastitu proizvodnju hrane."

#### Stav predlagača

1. Predloženo umanjenje planiranih sredstava na ime plaća (planirani iznos od 10.135.900,00 KM) i naknada troškova zaposlenih (planirani iznos od 1.686.500,00 KM) u iznosu od 1.822.400,00 KM bilo bi u suprotnosti sa odredbama Zakona o budžetima u Federaciji BiH ("Službene novine FBiH", broj 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), zatim Zakona o plaćama i naknadama u organima vlasti Federacije Bosne i Hercegovine ("Službene novine FBiH", broj 45/10, 111/12 i 20/17), Pravilnika o plaćama, dodacima na plaću i naknadama zaposlenika u organima Grada Zenica, broj: 02-45-7549/21 od 21.04.2021. godine, i Kolektivnog ugovora za službenike organa uprave i sudske vlasti u FBiH ("Službene novine Federacije Bosne i Hercegovine" broj: 32/21). Planirana sredstva na ovim pozicijama usklađena su sa brojem zaposlenih i pripadajućim koeficijentima propisanim Odlukom o plaćama i naknadama plaća zaposlenika gradskih organa Zenica ("Službene novine Grada Zenica", broj: 3/17 i 4/18), kao i Pravilnikom o unutrašnjoj organizaciji gradskih službi. Takođe, kod obračuna plaća, uzeta je u obzir osnovica i bod utvrđeni na osnovu Sporazuma, broj: 02-45-26283/21 od 28.12.2021. godine, potpisanog između Gradonačelnika i predsjednika Sindikalne organizacije državnih službenika i namještenika Grada Zenica. Što se tiče prijedloga za otvaranjem novih pozicija, stav resorne Službe za socijalnu zaštitu, stambene poslove i društvene djelatnosti je da su sve navedene kategorije stanovništva, kategorije čija su prava već regulisana zakonskim okvirima, sa definisanim nosiocima realizacije. Lokalna zajednica može, ukoliko ima finansijsku mogućnost, pomoći proširiti obim prava navedenih kategorija. Međutim, u konkretnom slučaju to nije moguće, bez da se naruše obaveze prema drugim subjektima prema kojima lokalna zajednica ima obavezu obezbijediti sredstva.
2. Grad Zenica u 2022. godini, za oblast socijalne zaštite, planira izdvojiti ukupan iznos od 11.742.190,00 KM, a što predstavlja 16,4% ukupnih rashoda i izdataka. Navedena sredstva se realizuju putem Službe za socijalnu zaštitu, stambene poslove i društvene djelatnosti, Službe za boračko-invalidsku zaštitu i JU Centar za socijalni rad. Ističemo da je planirani iznos za ovu oblast, u odnosu na planirani iznos Budžetom za 2021. godinu, veći za 976.300,00 KM ili za 9%.
3. Predloženo umanjenje se ne može prihvatiti, s obzirom da su na poziciji "Izrada projektne dokumentacije" planirana sredstva za izradu projektne dokumentacije za sve projekte koji se planiraju realizovati u tekućoj godini putem Službe za ekologiju, komunalne poslove i mjesne zajednice, i to u skladu sa Planom potreba ulaganja u oblasti putne infrastrukture - lokalni i nekategorisani putevi i gradske ulice - rekonstrukcija i investiciono održavanje na teritoriji Grada Zenica, kao i Programom utroška sredstava u oblasti vodoprivrede na području Grada Zenica, a koje usvaja Gradsko vijeće.

Što se tiče finansijske podrške NK Čeliku, Grad Zenica će istu pružati u skladu sa zakonom, te aktima nadležnih tijela uprave kojima se uređuje finansiranje sporta, uvažavajući finansijske mogućnosti i nadležnosti Grada, kao jedinice lokalne samouprave.

4. Prema stavu resorne Službe za socijalnu zaštitu, stambene poslove i društvene djelatnosti prijedlog se ne može prihvatiti, jer nije moguće iznaći dodatna sredstva za transfer za sport. Ističemo da Grad Zenica na ime sporta u 2022. godini planira sredstva u ukupnom iznosu od 1.812.000,00 KM, a da za oblast rekreacije, kulture i religije u 2022. godini Grad Zenica planira izdvojiti ukupan iznos od 4.069.095,23 KM.
5. Prijedlogom budžeta Grada Zenica za 2022. godinu planirana su sredstva u ukupnom iznosu od 3.000.000,00 KM, i to na dvije budžetske pozicije: "Rekonstrukcija i investiciono održavanje ambulanti i depoa apoteka" u iznosu od 1.500.000,00 KM, kao učešće Grada, i "Rekonstrukcija i investiciono održavanje ambulanti i depoa apoteka (sredstva JU Dom zdravlja Zenica i JU Apoteka Zdravlje Zenica)" u iznosu od 1.500.000,00 KM. Navedena sredstva planiraju se za realizaciju već započetog projekta izgradnje Službe hitne medicinske pomoći. U odnosu na Nacrt budžeta, Prijedlogom budžeta za 2022. godinu planirana su i sredstva na budžetskoj poziciji "Transfer za zdravstvo - JU Apoteka Zdravlje Zenica" u iznosu od 60.000,00 KM.
6. Prema stavu Službe za imovinsko-pravne, geodetske poslove i katastar nekretnina, sredstva na poziciji "Nabavka zemljišta i drugih nekretnina (eksproprijacije)" planirana su na ime naknada za ekspropisano zemljište i druge objekte po već provedenim procedurama i odlukama donijetim od strane Gradskog vijeća, odnosno za koje je Vijeće već utvrdilo javni interes (npr. odobrena je izgradnja vezne saobraćajnice sa regionalnom cestom preko sjevernog spoja magistrale koridora Vc). S obzirom i na pravosnažno rješenje po postupku koji se vodio sa ArcelorMittal, zatim Željezarnom Zenica i dr., i planirani iznos sredstava neće biti dovoljan.

**L. Savez izviđača Grada Zenica predlaže:**

1. da se u Budžet uvrsti stavka "Održavanje i izgradnja infrastrukture u Izviđačkom centru Boračko jezeru" u iznosu od 10.000,00 KM.

**Stav predlagača**

Prema stavu resorne Službe za socijalnu zaštitu, stambene poslove i društvene djelatnosti u 2021. i 2022. godini planirana je realizacija projekta "Izgradnja Eko kuće Smetovi", a što predstavlja izgradnju rekreacione zone koju provode Grad Zenica i Savez izviđača, i do sada za ovu namjenu utrošen je iznos od 351.939,47 KM.

Na kraju ističemo da je na Nacrt budžeta Grada Zenica za 2022. godinu, kako se vidi iz ovog materijala, dostavljen veći broj primjedbi, prijedloga i sugestija od strane vijećnika, političkih stranaka, javnih ustanova i udruženja od kojih je predlagač, a u skladu sa mogućnostima, pojedine prihvatio i ugradio u Prijedlog budžeta za 2022. godinu.

Napominjemo da nije bilo primjedbi, prijedloga i sugestija na Nacrt Odluke o izvršavanju budžeta Grada Zenica za 2022. godinu.

